

宿

五
台
里
評

痘治理辯序

嘉靖庚寅冬有非時之煖痘疾盛行而死者過半予甚
憫焉于是探索群書見有論治痘瘡者纂爲一編以備
倉卒易爲檢閱免致臨病而荒忙失措也世之治痘者
多宗錢氏之論或用陳氏之方二家互有得失罔獲萬
全予心若有所未慊者既而獲觀浙之桂岩魏先生博
愛心鑑其論一本于太極其治皆出于特見誠哉度越
乎前人而超邁乎等夷者也予昔之所未慊者茲皆豁
然而慊于心矣何其幸哉所論痘瘡皆原于淫火之毒
只此一語便見其造理之真到也蓋男女交感罔不縱

情恣欲而弱動五藏厥陽之火五藏之精血已自孕有
火毒于焉施化以成男女之形則兒之五藏百骸莫非
火毒所潛伏火與元氣不容兩立殆必待時而發耳所
以多感異氣而發者淫欲之火亦異氣也以異感異譬
猶火就燥水就濕同類相召寧弗應乎予今所輯以諸
家所論列之于前而以魏君之說辯之于後庶得以爲
全書而凡諸說之同異得失亦皆瞭然不復爲其所惑
矣書成因名之曰痘治理辯刊梨廣布嘉興四方共之
按法施治庶或免死于非命也豈忍私之于一家云

嘉靖辛卯十一月長至日新安祁門汪機省之序

題石山痘治理辨

治小兒方書余閱之多矣獨治痘瘡者卒欲一得焉
末也友人陳惟宜時游石山先生門因過之而以先
生所纂曰痘治理辨者以示余且曰將梓以廣其傳
余披再三其前列諸家說而以浙之桂岩魏先生之
說辨之於後撮觀桂岩之說所謂小兒痘瘡皆原男
女淫毒所蒸者實獨見遂理之言石山先生蚤以文
學名而于百家諸書日不釋手以求其至理所在宜
其有取於桂岩之說與其方而旨哉斯辨無復辨也
時患小兒痘瘡者誠于先生之所取者而効法焉吾
以天下以痘而殤者寡矣且梓以廣其傳亦庶乎夫
子少懷之意也宜題諸首肯

嘉靖甲午六月念六日邑人輝山胡希紹書



此為試讀，需要完整PDF請訪問：www.ertongbook.com

痘治理辨

新安祁門朴里汪機省之編輯刊

原痘

魏氏曰痘者豆也象其形而名之也順其形則順逆其形則逆以見前人命名之義有在矣蓋痘之為證根於精血之初而成于淫火之後男女交媾無欲不行無火不動欲因火生火因欲熾精行血就何莫而非火之所為且二五妙合精血鎔冶而成藏府皮毛筋骨之形夫形既成而火即以中乎衆體無象無臭人可得而測耶毒中必發特俟其時耳俟時而發必假氣血故痘毒非氣弗領非血弗載使氣不盛則何能逐其毒血不榮則

何能任其毒氣血領載之功不前又烏乎能解又若痘有稀稠乃受火有淺深而其吉凶生死亦皆于此焉分或遇天行時氣擊動而發者蓋天地之沴氣與人身之遺毒同一橐籥相感而動如水流濕火就燥雲從龍風從火之義而又人之真氣與客氣不容並立故也予常愍其尅害生靈非天之設非火之罪誠父母之過也明者鑒之

○預防痘疹

或遇天氣溫熱恐發痘疹用解肌芻二味磨汁服或用
菑草煎汁與消之未發者令內消已發者亦能解利使
毒氣不致太盛

冬月應寒而反溫煖前人推度至春陽氣發生與冬之
伏熱相搏必生痘疹故於冬月見兒頭髮豎直飲食似
減此伏熱之兆便宜預服油劑或升麻湯三豆飲子消
毒飲子以防之又云或有伏熱痘疹未出四肢微熱飲
食似減或時額多微熱宜服生油劑最佳

外臺方云時行溫煖便服油劑

一法七八月間收葫蘆蔓連根置十二月三十夜取
蔓絲煎湯浴兒終身不發痘疹

一法取絲瓜近蒂三寸連皮子燒灰存性為末砂糖拌
乾吃入朱砂末尤妙預服之多者令少重者令輕

一說用朱砂太早恐瘡入目

辨曰人傳有藥預投兒服則終身不出痘疹豈理也
哉痘中于有生之初寂然不動感而遂通此得人身
之大造化也人有三伯六十五骨應期變蒸諸骨十
有三次五藏六府始能濬通脉絡行運氣血于身其
蒸熱之時藏府無不振動變易之際經絡無不踈通
又或有傷寒風熱而泄六陽等汗諸瘡癰腫丹毒一
身之間無不發洩其痘毒尚不能解又何藥可以解
此毒耶雖東垣救苦散亦何益于是哉

○痘疹當辟惡氣

仲景云痘疹未生之間宜辟惡氣着人守門勿令外人
入房恐有觸犯其中縱得安者亦必癰痕經年黑色宜

燒乳香最辟諸惡氣蓋榮衛通香則行通臭則止故也
腋下狐臭氣 房中淫液氣 遠行勞汗氣 濟糞濁
惡氣 婦人經候氣 諸血腥臭氣 硫黃蚊烟氣
吹滅灯燭氣 誤燒頭髮氣 柴烟魚骨氣 葱蒜韭
薤氣 煎炒油烟氣 醉酒暈腥氣 麝香臊穢氣
射酒兒吃發出 已上皆不可犯令兒變動蓋親歷驗也
見聞瘡畜入

或曰田舍小兒犯之都無變動者

痘疹正出之時必資谷氣以養其內謹避風寒以護
其外若乳哺虧少邪氣侵襲為患不淺能食童子毋令
失飢過飽觸冒穢汚房中多掛胡荽以酒噴之燒蒼朮
乳檀降香使榮衛得香運行甚速無瘡爛或片變黑陷

伏臭爛刮痛悶亂之患

辨曰世有生人香臭經水邪崇而犯之說甚為不經
但所禁者煎燂油炆恐傷咽喉致有不安然亦無害
耳鑒不解理強以辛燥惡毒發洩中氣之劑投之痘
必隨起隨陷治者見之不悟已非反言觸犯嗚呼愚
哉予治痘不使內虛故恒無變易之患是雖觸冒腐
何傷哉

又有避風寒常溫煖之說此實得治痘之要旨如痘發
之際不拘四時要得和煖如春使其氣血調暢毒可自
釋慎勿以野處舡居者為比彼則自小風寒經煉略加
遮蔽則亦和煖矣

諸熱失治變為瘡疹

凡傷寒傷風傷食風熱等症均是熱也。鑒者慮熱不解將為瘡疹，早為防備，乃良工也。

預防隨其虛實，或汗或下，或解毒也。

且如發熱

如瘡狀，熱作有時者，潮熱。

發熱倍能飲食，唇紅面赤。

大小便秘，脇下有汗者，風熱。

面赤鼻流清涕，手足煩

躁，自汗惡風，左額有青筋紋者，傷風熱。

手足指微冷。

面青色，慘耳鼻冷，惡寒無汗，煩躁，左額有青紋者，傷寒。

熱。

眼胞腫，右額有青筋，頭熱，肚熱，胸滿，不食，腹脹者。

食積熱。

額正中髮際有青紋，下至眉心，手掌心有汗。

面青紅，獨處不安，時發驚悸，手絡微動，似驚惕者，驚熱。

發熱多渴。

則瀉者，疳熱。

發熱唇上下汗出，唇中間起一

白泡及耳陰皆冷者變蒸熱 變蒸之中偶有時行寒疫者
則耳與陰反熱此異氣熱也 發熱而皮膚或赤色熱
涌時驚叫者丹熱 發熱目閉面色赤者胎熱
且此諸症皆熱也熱毒蘊于肌中失于治療皆可變為
痘疹故傷寒失治則有胃爛發斑冬溫失治則有溫毒
發斑 由此而知痘疹發熱之初若能疎散則不致熱
鬱而成痘疹矣

痘疹發熱則耳冷飢冷欬又兼五藏見痘為異也 痘疹
為內寒而生熱毒由兒在母腹中所受非若內虛而感
外寒之比蓋古方論云風熱傷胎生兒口禁風冷傷胎
生兒軀啼納污則為血癖胎弱則為諸澗積驚而夜啼

蘊熱而斑毒以此觀之子之痘疹在母腹中蘊熱毒也
非若一歲中有異氣及暴時疫之比

痘疹多隨天氣而蒸出緣兒在母腹中食穢而成蘊熱
却能隨天氣非時之煖而蒸出如冬月應寒而反熱謂之
冬溫亦有隨春氣暄煖而出者有因他病發熱而蒸出
者此皆發熱于外所蘊熱毒隨之出于肌中為痘疹鑿
者不能防備見其熱而攻其熱殊不知因他病蒸發而
其中有瘡疹症存焉方書云瘡疹與他症相似疑似之
間宜升麻湯及已發結痂疔亦宜服解利之藥正患瘡
疹并稟受怯弱者皆不宜用可用獨聖散荊芥散安

斑散 紅子湯 快斑散 如聖散 調中散 犀角湯

化毒湯

紫草木通湯

牛旁散

紅綿散

消毒散

控心散

奪命散

黃耆散

皆可選用

五太尉因墜鞦韆發驚搐醫以發熱治之不愈錢曰本
急驚後生大熱當先下其熱以大黃丸茲乃用玉露散
惺二丸加牛黃腦麝解之不愈至三日肌膚尚熱錢曰
更二日不愈必發痘疹蓋熱不能出也他醫初用發散
二引熱入表二熱而痘生其初驚時當用利驚丸下之
而與發散乃逆也後二日果痘出以必勝散治之七日
而愈

驚邪亦
異氣也

辨曰痘必感天之乖戾然後而發而解如磁石引針
琥珀拾芥以其性類之相感若或以磁石感芥琥珀

應針則不能矣痘之解必假其氣血氣血弱而不能
制毒又必藉藥物氣味補益匡扶之力非謂藥能解
是毒也

又曰痘毒之火實陰陽相亢而中與天之沴氣

陰陽之偏氣痘亦中陰陽之偏氣

同其軌轍莫不因時感動而發猶鏡

夏冬暖

之取大鏡中火虽在焉使無日之晶光相射則何能發也
是故治痘之要必須加治于氣血然氣在內而外不及
則血載毒出為外剥氣在外而內不續則血載毒入為
內攻即陽道虛陰注泛之陰道虛陽注泛之義非保元
湯善補氣血之過則不能施其功妙故用人參以固元
內實則能續衛氣之不足黃耆以補表外實則能益其

元氣于有餘而又以桂制其血二在內引而出之則氣
泛內入血在外引而入之則氣泛外出而參耆非桂之
逐血引導則不能樹其功桂亦非甘草平和氣血則不
能緒其條理雖則隨其土地所宜以他藥攻之終不能
出乎四品君臣之要劑也

○錢氏曰十太尉病痘疹其父曰疹未出屬何藏府錢曰
胎在腹六十日已成形食母穢液入兒五藏食至十月
滿兒胃腕至生之時口有不潔產母以手拭爭則無疾
病俗以黃連汁壓下臍糞及涎穢此亦母之不潔餘氣
入藏中本先因微寒入因外感微寒而成瘡疹未出五
藏皆見病症內一藏受穢多者乃出瘡疹初欲病時先